

KODA DURAK SALOŇ RAMAMO JAKAŠ | Makar Evsejev. Ěrzän jovkst

Ěräst ajšt atät babat kavonest. Uínes synst ve cörynest — duračke. Atäs praš dy kuloš. Babaš kalmize. Purnaš babaš pominkat; duračke cöranť kučize saloň ramamo.

— Azö, meri, cörynem, batman sal ramak!

— Molän, — meri cöryneš.

— Azö, dy vanok, iläk stuvt, znäro ramams! — ton kuva molät, jala meřt: batman, batman, ato stuvcak!

Tuš durakš, sonš kuva moli, „batman, batman!” meri.

Pačkoč tinge-pire vic. Tinge-piresěnt tovezüro pivsyť. Son meri tenst: „Batman, batman, čop pivsěde, batman pivsěde!”

Pivcycätne koda kundasyž durakoň i davaj čavmonzo. Čavst, čavst, — noldyž.

Saš kudov duračke, — avarđi.

— Mejš avarđät, duračke? — avazo kevstize.

— Mejš? Mon koda lisiň kudosto, moňš jutan, moňš jala merän: batman, batman. Pačkodiň tinge-pire vic, toso tovezüro pivsyť. Mon meriň tenst: čop pivsěde, batman pivsěde! Syň kundymyž moň, — čavimiž, čavimiž dy noldymiž!

— Ěh, durak, ton merevleť tenst: sädoň-sädoň pivsěde, — vejte-vejte ilädo!

Tago tuš durak. Kuva juty seeri: sädoň, sädoň! sädoň, sädoň!

Kandyť karčonzo kulož lomaň kalmamo. Son meri tenst: „Sädoň-sädoň kulodo, — vejte-vejte ilädo!”

Kandycätne koda kundasyž durackeň i davaj čavmonzo. Čavst, čavst — noldyž. Tago kudov saš durak avarđež.

— Mejš tago avarđät?



— Dy, mejś? jután kijava, karčon kandyt kulož lomań, — mon meriń tenst: sadoń-sadoń kulodo, vejte-vejte ilädo! Kandycätne koda kundasamiž, — čavimiž, čavimiž dy noldymiž?

— Ěh, durak, ton merevleť tenst „carstva nebesnoj!”

Tago tuś durak. Karčonzo ardy svadba. Durak meri svadbasteń: „Carstva nebesnoj tenk!” Kudaťne koda kundasyž durakoń, čavst, čavst ěsněnzě — noldyž.

Durak tago saś kudov avafdež, i jovtnize avanstěń — mejś čaviž.

Avazo meri tenzě: ěh, durak, durak, — nesak svadba ardy, — kajavliť ponksot dy kištevleť!

Tago tuś durak. Vany — požar, — ve atāń ostatka kudynezě paly. Son molś požarst vaks, kainze ponksonzo i davaj kišteme. Atās koda kundasazo, davaj čavmonzo. Peľskuloms čavize dy noldyze. Saś kudov durak avafdež, jovtlize avanstěń, mejś čaviž. Avaś meri: „Ěh, durak, durak, — ton saevleť veđ, dy mactävlek požarst”.

Durak tago tuś lija prev marto.

Ki lankso ve atā tuvo kirty. Son koda sai vedra dy davaj tolont mactāmo. Atās kundyze durakoń i davaj čavmonzo. Čavś, čavś — noldyze.

Tago saś kudov avafdež i jovtnize avanstěń, mejś čaviž.

Avaś meri: „Ěh, durak, ton bu merevleť bog pomoč tenzě.”

Tago tuś durakś. Ki čiresě pop seńni. Son meri tenzě: „Bačka, bog pomoč tent!” Koda kundasazo popoś! Čavś, čavś ěsněnzě — noldyze.

Saś kudov tago avafdi. Avaś tago kučiksělse, vansazo durakoń kiškenť vese šiškāt-palkat saiz, i ěsse kučt. Kadovś batman salost apak ramak.

Valmeľgavks: Durak meľga lukuškaso prev a kantlivat!

Makar Evsejev. Ěržāń jovkst // Purnyńze M.E. Evsejev — Moskva: SSSR-ěń Narotněń centralnoj izdatelstvaś, 1928

